

**PEMBERITAHUAN PERTANYAAN DEWAN RAKYAT**

**PERTANYAAN :** LISAN

**DARIPADA :** PUAN KASTHURIRAANI A/P PATTO  
[BATU KAWAN]

**TARIKH :** 12 JUN 2014 (KHAMIS)

**SOALAN :**

Puan Kasthuriraani A/P Patto [ Batu Kawan ] minta **PERDANA MENTERI** menyatakan apa status pengimplementasian ‘blueprint’ mengikut kejayaan program tersebut bagi pembangunan kaum India di Malaysia yang telah dicadangkan oleh HINDRAF serta jumlah peruntukan yang telah diagihkan baginya.

**JAWAPAN: YB SENATOR DATO' SRI ABDUL WAHID OMAR,**

**MENTERI DI JABATAN PERDANA MENTERI**

Tuan Yang di-Pertua,

Untuk makluman Ahli Yang Berhormat, *blueprint* yang dicadangkan oleh HINDRAF menjadi input kepada perancangan dan pelaksanaan program bagi pembangunan masyarakat India. Buat masa ini Kerajaan terus melaksanakan program pembangunan masyarakat India selaras dengan cadangan *blueprint* oleh HINDRAF. Program tersebut meliputi program bagi pekerja ladang, program pendidikan dan latihan termasuk program-program bagi sekolah Tamil, program latihan kemahiran dan keusahawanan.

Pada masa ini Jawatankuasa Khas Kabinet bagi mengenalpasti dan memantau penyertaan masyarakat India di dalam program dan projek-projek Kerajaan yang dipengerusikan oleh YAB Perdana Menteri akan bertindak sebagai badan utama dalam Kerajaan untuk merancang, menyelaras dan melaksanakan semua inisiatif Kerajaan untuk masyarakat India. Jawatankuasa Khas Kabinet ini terbahagi kepada empat (4) kluster yang diketuai oleh empat pemimpin Persekutuan seperti berikut:

- (i) Yang Berhormat Datuk Seri G. Palanivel (Menteri Sumber Asli dan Alam Sekitar) antaranya bertanggung jawab terhadap bidang keusahwahanan dan keagamaan;
- (ii) Yang Berhormat Datuk Seri Dr. S. Subramaniam (Menteri Kesihatan) antaranya bertanggung jawab terhadap isu

perumahan kepada isi rumah berpendapatan rendah dan pekerja estet;

- (iii) Yang Berhormat Datuk M. Saravanan (Timbalan Menteri Belia dan Sukan) yang bertanggung jawab antaranya terhadap pembangunan sosioekonomi khususnya golongan belia India; dan
- (iv) Yang Berhormat Tuan P. Kamalanathan (Timbalan Menteri Pendidikan II) yang bertanggung jawab dalam bidang pendidikan.

Di samping itu Kerajaan terus melaksanakan inisiatif secara berterusan yang bertujuan untuk membantu masyarakat India yang ketinggalan dan tidak berpeluang untuk mendapatkan peluang yang sewajarnya. Antaranya adalah:

- (i) Meningkatkan penyertaan masyarakat India dalam sektor korporat melalui saham amanah;
- (ii) Program pembangunan keusahawanan melalui Pembiayaan Industri Kecil dan Sederhana (SME), Amanah Ikhtiar Malaysia (AIM) dan Tabung Ekonomi Kumpulan Usaha Niaga (TEKUN) Nasional;
- (iii) Program ekonomi melalui Program 1Azam;
- (iv) Program Kebajikan Rakyat 1Malaysia (KAR1SMA);
- (v) Pembangunan Pendidikan Melalui Bantuan Kepada Sekolah Tamil;
- (vi) Program Pembangunan Sosioekonomi Masyarakat India;
- (vii) Kumpulan Wang Amanah Pelajar Miskin;

- (viii) Bekalan Air Ke Estet (BAAE) dan Skim Khas Pembiayaan Rumah Pekerja Estet (SKRE); dan
- (ix) Program Pembangunan Generasi Muda dan Belia India oleh Yayasan NAAM

Sekian. Terima kasih.